

Jongöreŋ Kimbi 3 Jonöŋ Kimbiŋi aliga 3 ahök. **Jim-asa-asari**

Buŋa Kimbi kiangö tonji yaŋön nanŋi qetŋi “Jitŋememe kun,” qerök. Yaŋön Kimbi mi urumelen kōnagesö kungö jitŋememe kun qetŋi Gaius yaŋgöra alök. Gaiusnöŋ urumelen ambazip tosatŋi miri aka nene yuai baukōm eŋgiba malök. Miangöra i möpöseim waŋgiyök aka tuaköpek azi kun qetŋi Diotrefes yaŋgöra galöm meme keu jiyök.

Buk kiangö bahöŋi bohonŋi 5 mi kewö:

Keu mutukŋi 1-4

Jonöŋ Gaius möpöseiza 5-8

Diotrefesgö galöm meme keu 9-10

Demitriusgö sösöŋgai keu 11-12

Buk kiangö keu kötŋi bohonŋi 13-15

¹*O wölböt alani Gaius!

Nöŋön jitŋememe kun aka göbuk keu eraum mötpitkōra kaba kimbi ohozal. Nöŋön keu ölnaŋgö dop urunan jöpakōm gihiba maljal.

² O wölböt alani, göhö uŋagan Anutubuk qekötahöba ölöwahi maljani, mi mötzal. Mewöŋanök sile unditundit mala yuai pakpak miangöreŋ töhötmōriam miwikŋaiba malmangöra Anutu köuluközal.

³ Urumelen alaurup tosatŋan göhöreŋök kaba göhö kösohotki kewö naŋgöba jigetka möral, “Göŋön

* **1:1:** Apo 19.29; Rom 16.23; 1 Kor 1.14

Anutugö keu ölni pöndan wuatängöba aka memba maljan.” Mewö jiget mötpiga sösöngai ketanji ak niŋgiyök.

⁴ Nöngö (koko) gömokurupnan Anutugören keu ölni wuatängöba aka memba maljei, nöñon keu buzup mewöñi möta önöñi qahö söngaimakzal. Buzup murutñi kunöñ sösöngai öñgöñgöñi mi qahö öñgiri mötzal. Mewö.

Jonöñ galöm azi qetñi Gaius möpöseiza.

⁵ O wölböt alani, gi urumelen alaurup welen qem engiba miangören pöndan kinda malakzan. Yeñgörenök tosatñan miri liliköba engören kamakzei, mi köyan köl engimakzan. Möt engizani me qahö, mi töndup ölöpñanök bauköm engimakzan.

⁶ Gi urugan jöpaköm engiba malnöñi, yeñgörenök tosatñan ki kaba mötnarip kambugö jeñine könañamgi mewö nañgöba jiget mörin. Miangöra alaurup mewöñan engören kamei, mi mönö bauköm engiba malnöñga ölop amqeba nup memba könañini toroqeba anme. Nup mewöñi mi Anutugö jeñe dop köl wañgimawangö dop toroqeba memba malman.

⁷ Yeñon Kraistkö buñaya akzeangöra aka nanñini miriñini mosöta liliköba qetbuñaji jim sehimakze. Nup mewö memba urumelengö kopa ambazip yeñgörenök nene yuai kun qahö memakze.

⁸ Miangöra Jisösgö alaurup neñon naninök alaurup mewöñi köl öröba nañgöm enjiinga dop kölma. Nini nup bahöñi mi memba miangön keu ölnangö Tonji mohotñe welen qem wañgiinga keuñi ölnan sehimakña. Mewö.

Diotrefes ewö akanbukö galöm meme keu

9 Nöñön mötnarip kambu enğöra kimbi kun ohoyal. Mi ohoyalmö, Diotrefes jitñememe azi yañön sutñine galöm bohonñi malmamgö sihimñi mötzawi, yañön mönö memsepqemsep aka keu- nañgö kezap qahö ala nesampurek ak neñgimakza.

10 Mianğ-göra nöñön enğöreñ kabilenjak ewö, mönö yañgö ahakmemeñi bölöñi mi aukñe jibiga kewö mötme: Yañön neñgöra luasö keu munenji andönöñ qeçe jimakza aiga keu jijiyök qahö ahakza. Qahö! Urumelen alaurupnini miri lilik nup memakzei, yañön mi qahö köl öröm enğimakza aka alaurup tosatñan köl öröm enğibingö mötzei, yañön i anğön köl enğiba mötnarip kambuñineyök utal enğiiga yaigep erakze.

11 O wölböt alani! Gi ahakmeme bölöñi qahöpmö, ahakmeme ölöpñi mia mönö wuatangöba malman. Denike yeñön ahakmeme ölöpñi aka memba maljei, yeñön Anutugö nahön böraturupñi akze. Denike yeñön ahakmeme bölöñi aka memba maljei, yeñön Anutugö könañi qahö möt kutuba sel yaigepñe malje.

12 Demitrius azi mianğö könañi mi ölöpñi. Alaurup körekñan mewö jimakze. Keu ölñangö Toñan nanñak mi mewöñanök nañgöba jimakza aka neñön toroqeba yañgöra keu öröröñ jimakzin. Neñön keu jimakzini, mi keu öl töhönñi akza, mi mötzan. Mewö.

Yaizözkök keu teteköñi

13 Nöñön göhöra keu sehisehiñi ohomamgö sihimñi mötzalmö, mi kirifi aka inñknöñ ohom gihi- mamgö dopñi qahö möta mosötzal.

14 Nöŋön ösumok göhöreŋ kaba gekŋamgö mamböta jörömqöröm akzal. Aitoŋgöbini, nalö mianŋgöreŋ ölop mesohol köl aŋguba keukeu eraum mötpin.

15 Anutunöŋ luai qem gihiiga malman!

Mötnariŋ alaurup ki maljei, yeŋön yaizökzökŋini algetka göhöreŋ kaza. Göŋön mewöŋanök urumelenŋ alaurup göbuk kinjei, mi nanŋik nanŋik yaizökzökŋini jinöŋga mötme!

Burum-Mindik Bible
The New Testament and portions of the Old Testament
in the Somba-Siawari language of Papua New Guinea,
also called the Burum Mindik language.
Sampela hap Buk Baibel long tokples Burum Mindik
long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 18 Apr 2025 from source files dated 31 Aug 2023

c0871260-68cc-5a50-953f-52200e105d1e